

曰若予邠之後亮采惠疇僉曰元祐帝曰俞咨祐汝作小司空致牧圉李公言成允令才實允宗恪居本朝能率大夏載習載步權之秣之疏穢鎮浮受劑聽訟匪燒匪剔斯馬斯材荷天之寵未可涯也判官尚乘奉御長孫勗壽安尉賀蘭弼華陰主簿常冀並心懸規鏡家韞賜書投刃靡全應機立斷倡昌門之駿乘行翼聖仙僭子況之能官坐登卿相有原迓浦非大而何雅所謂愷悌君子于祿愷悌信矣先是國家以岐山近甸幽土晚寒甯州壤甘涇水流惡澤茂豐草地平鮮原當古公走馬之郊接非子大邱之野度其四境分署八坊其五在岐其餘在三郡保樂第一蘇忠主之甘露第二劉義尸之南普潤第三田敬董之北普潤第四邵業監之岐陽第五李行守之太平第六馬慶尹之宜祿第七留叡領之安定第八李仙正之八人者或折衝禦侮或果毅嫻兵射禦不違始終惟一又命朝散大夫都苑總監韋績總以統之韋公敢行利物克壯遠猷悉心效官盡瘁事國口授諸吏躬親百爲攻特執駒禁羶驅蠶撫猷趣馬慰薦屠人陳損益以示其方明賞罰以防其慢立封準以程其課均眾寡以節其宜告之以畏威申之以誘掖曰善而筐蠶敵而環纓除而茲翦而蓋偕當循爾職制無使我馬元黃抱公絕私匪怒伊教君子曰韋公之慢下如此欲辭福祿得乎人從話言馬賴調參將蕃其類必謹其初故春祭房星尊祖也夏祭先牧尙養也秋祭馬社敬乘也冬祭馬步存神也然後時其

甘肅新通志

卷九十一

藝文志 碑記

四

出入偵其肥羸一其種性殊其阜樞旌別淑慝無相奪倫試言夫名且曰獻狀其名則汗血山子桃驂綠耳金喙騰黃騊駼吉光蒲稍敢服野糜娥鹿白蟻雞斯蜚鴻母兒遺風腰褭茲白鐵離項王之騅苻主之騮桓氏之驄晉侯之駮魏公絕影唐國驪驎劉之的顙呂之赤兔其狀則八尺之駮七尺之騄六尺之駮三尺之果下文臂花肩陰脣白顙握腕作足昆蹄素懸綽形如練紫目如電有驪有騏有騊有驄驤騊異羣驪驄亦分散如摘錦聚若屯雲若迺審其容貌觀其尾鬣司其正骨鑑其回毛膺爲宜傑用爲威陽幹爲第方背爲關光水火又明城郭又張逸躍翹陸趨趨踰顧陞獻齒草降阿飲沱駮而翔馭而走如龍如彪或寢或叱羶至特立仰鳴俯噴威神變態不可談羣田事旣昭軍容大備有馬如此何憂乎兵由是判官長上果毅都尉成公雅貞尹承順兼諸寮吏及四郡齊人八方長戶因雜然相與謀曰天子亭育我邠公覆露我李公司牧我韋公噢咻我君臣同德其利溥哉若不毛舉數事指牧大較雖隸圉之後將不食其餘且保樂者隋石門馬坊也其舊制偏狹多厯年所棟折榱摧隕牆填塹甘露先置在九成苑外土良薦美不逮苑中今茲數公得請於帝有詔令新保樂徙甘露所云創葺許用正錢今則量抽掌閑供飼國馬數內商榷納其資課迴給工人計一歲省庫錢七百貫有奇以約財裨國其利一也甲令曰諸坊馬每年四月十一日停料野放今則以三月中候陽崖墳